

四庫全書

子部

欽定四庫全書

子部
類經圖翼卷七

詳校官太醫院醫官臣姜晟

編修臣倉聖脈覆勘

總校官知縣臣楊懋珩

校對官中書臣稽承志

謄錄監生臣胡宗高

欽定四庫全書

類經圖翼卷七

明 張介賓 撰

經絡 五

足太陽膀胱經穴

膀胱經穴歌

足太陽經六十三
睛明攢竹曲差叅
五處承光接通
天絡却玉枕
天柱邊
大杼風門引
肺俞厥陰心
膈肝

膽居脾胃三焦腎俞次大腸小腸膀胱如中膂白環
皆二行去脊中間二寸許上髀次髀中復下會陽須
向尻旁取還有附分在三行二椎三寸半相當魄戶
膏肓與神堂譙譙膈關魂門旁陽綱意舍及胃倉育
門志室連胞肓秩邊承扶殷門穴浮却相隣是委陽
委中再下合陽去承筋承山相次長飛陽附陽達窻
崙僕參申脈過金門京骨束骨近通谷小指外側尋
至陰

睛明

一名淚孔

○在目內眥外一分宛宛中○氣府論註曰

手足太陽足陽明陰陽蹻五脈之會○刺一分半留

六呼灸三壯甲乙經曰刺六分一曰禁灸

主治目痛視不明見風淚出努肉攀睛白翳眥癢疳

眼頭痛目眩凡治雀目者可久留鍼然後速出之

席弘賦云治眼若未效并合谷光明不可缺

百證賦云兼行間可治雀目汗氣

靈光賦云治努肉

攢竹

一名始光一名員柱
一名使光一名光明

在眉頭陷者中○刺一分

留六呼不宜灸甲乙經云灸三壯明堂用細三稜鍼
刺之宣泄熱氣眼目大明宜刺三分出血

主治目視眈眈淚出目眩瞳子癢眼中赤痛及腮臉
睏動不卧

玉龍賦云兼頭維治目疼頭痛

百證賦云兼三間可治目中漠漠

通玄賦云腦昏目赤寫此

曲差

一名
鼻衝

在神庭旁一寸五分入髮際正頭取之○

刺二分灸三壯五壯

主治目不明頭痛鼻塞鼽衄鼻涕項巔痛身心煩熱汗不出

五處 在曲差後五分夾上星旁一寸五分○刺三分留七呼灸三壯甲乙經曰不可灸

主治脊強反折瘕瘕顛疾頭痛戴眼眩暈目視不明承光 在五處後一寸五分水熱穴論註曰五處後一

寸甲乙經五處後二寸○刺三分禁灸

主治頭風風眩嘔吐心煩鼻塞不利目翳口喎

通天

一名天曰

在承光後一寸五分一曰橫直百會旁一

寸五分○刺三分留七呼灸三壯

主治頭旋項痛不能轉側鼻塞偏風口喎衄血頭重

耳鳴狂走瘈瘲恍惚青盲內障

千金云癭氣面腫灸五十壯

百證賦云能去鼻內無聞之苦

絡却

一名強陽
一名腦蓋

在通天後一寸五分甲乙經一寸三

分○刺三分留五呼灸三壯一曰禁刺

主治頭旋口喎鼻塞項腫癭瘤內障耳鳴

玉枕 在絡却後一寸五分甲乙經曰在絡却後七分

夾腦戶旁一寸三分起肉枕骨上入後髮際三分

按甲

乙經之數與督
脈之數不相合

○刺三分留三呼灸三壯一曰禁刺

主治目痛如脫不能遠視腦風頭項痛鼻塞無聞

千金云多汗寒熱灸五十壯刺三分

百證賦連顙會療頭風

天柱 俠項後大筋外廉髮際陷中○刺二分留六呼
灸三壯一曰刺五分禁灸

主治頭旋腦痛鼻塞淚出項強肩背痛足不任身目
瞑不欲視

百證賦云連養老治目中眈眈○又云連束骨治項
強多惡風

大杼 在項後第一椎下兩旁相去脊中各二寸陷中

正坐取之○海論曰衝脈者其輸上在於大杼○氣
穴論註曰督脈別絡手足太陽三脈之會○刺三分
留七呼吸五壯七壯一曰禁灸非有大急不可灸也
主治傷寒汗不出腰脊項背強痛不得卧喉痺煩滿
瘰癧頭痛欬嗽身熱目眩癰疾筋攣瘕瘕膝痛不
可屈伸○凡刺瘡疾脈滿大者刺此并譴譖穴出
血隨人肥瘦刺之不已刺委中風門立已

席弘賦云大杼若連長強尋小腸氣痛即行鍼

風門

一名熱府

在二椎下兩旁各去脊中二寸正坐取之

○督脈足太陽之會○熱府腧也○刺五分留七呼

灸五壯

主治傷寒頭痛項強目瞑鼻嚏胸中熱嘔逆上氣喘
卧不安身熱黃疸癰疽發背此穴能寫一身熱氣
常灸之永無癰疽瘡疥等患

神農經云傷風欬嗽頭痛鼻流清涕可灸十四壯及
治頭疼風眩鼻衄不止

千金云上氣短氣欬逆胸背徹痛灸百壯

肺俞 在三椎下去脊中各二寸又以手搭背左取右
右取左當中指末處是穴正坐取之千金曰肺俞對
乳引繩度之○刺三分留七呼灸三壯一云灸百壯
○素問曰刺中肺三日死

主治五勞傳尸骨蒸肺風肺痿欬嗽嘔吐上氣喘滿
虛煩口乾目眩支滿汗不出腰脊強痛背僂如龜
寒熱癭氣黃疸○此穴主寫五藏之熱與五藏俞

治同

神農經曰治欬嗽吐血唾紅骨蒸虛勞可灸十四壯
千金云治吐血唾血上氣欬逆喉痺灸隨年壯○又
氣短不語灸百壯○又治水注口中涌水出灸肺
俞及三陰交隨年壯○又癭腫上氣短氣灸百壯
○又盜汗寒熱惡寒灸隨年壯刺五分
玉龍賦云無豐隆治痰嗽
百證賦云兼天突治欬嗽連聲

乾坤生意云同陶道身柱膏肓治虛損五勞七傷緊

要法

厥陰俞 在四椎下去脊中二寸正坐取之

此穴出山
眇經甲乙

經無○刺三分灸七壯

主治欬逆牙痛心痛結胸嘔吐煩悶

千金云主胸中膈氣積聚好吐灸隨年壯

心俞 在五椎下去脊中二寸正坐取之○刺三分留

七呼○按甲乙經曰禁灸故世醫皆謂可鍼不可灸

殊不知刺中心一日死乃素問之所戒又豈可易鍼耶千金方言風中心急灸心俞百壯服續命湯又吐逆不得食者灸百壯是又當權其緩急也

主治偏風半身不隨食噎積結寒熱心氣悶亂煩滿恍惚心驚汗不出中風偃卧不得冒絕發癇悲泣嘔吐欬血發狂健忘○此穴主寫五藏之熱與五藏俞同

神農經云小兒氣不足者數歲不能語可灸五壯艾

炷如麥粒

玉龍賦云兼腎俞治腰腎虛乏之夢遺

百證賦云兼神道治風癰常發自寧

捷經云治憂噎

一傳主療心虛遺精盜汗補之

膈俞 在七椎下去脊中二寸正坐取之○為血之會

○刺三分留七呼灸三壯一云灸至百壯

主治心痛周痺膈胃寒痰暴痛心滿氣急吐食反胃

瘥癖五積氣塊血塊欬逆四支腫痛怠惰嗜卧骨
蒸喉痺熱病汗不出食不下腹脅脹滿○此血會
也諸血病者皆宜灸之如吐血衄血不已虛損昏
暈血熱妄行心肺二經嘔血藏毒便血不止

千金云臆脹脇腹滿灸百壯三報之○又治吐逆不
得食今日食明日吐灸百壯

肝俞 在九椎下去脊中二寸正坐取之○刺三分留
六呼灸三壯○素問曰刺中肝五日死

主治氣短欬血多怒脇肋滿悶欬引兩脇脊背急痛
不得息轉側難反折上視驚狂顛衄眩暈痛循眉
頭黃疸鼻痠熱病後目中出淚眼目諸疾熱痛生
翳或熱病瘥後因食五辛患目嘔血或疝氣筋痙
相引轉筋入腹○此穴主寫五藏之熱與五藏俞
治同

千金云吐血酸削灸百壯○又胸滿心腹積聚疼痛
灸百壯○又氣短不語灸百壯

玉龍賦云目昏血溢肝俞辨其虛實

標幽賦云兼命門能使瞽者見秋毫

百證賦云兼少澤可治攀睛

一傳治氣痛項癰吐酸

膽俞 在十椎下去脊中二寸正坐取之○刺五分留

七呼灸三壯○素問曰刺中膽一日半死

主治頭痛振寒汗不出腋腫心腹脹滿口乾苦咽
痛嘔吐翻胃食不下骨蒸勞熱目黃胸脅痛不能

轉側

百證賦云兼陽綱可治目黃

捷經云兼膈俞治勞噎

脾俞 在十一椎下去脊中各二寸正坐取之○刺三分留七呼灸三壯○素問云刺中脾十日死

主治瘕癖積聚肋下滿瘕瘥寒熱黃疸腹脹痛吐食
不食飲食不化或食飲倍多煩熱嗜卧身日羸瘦
泄痢善欠體重四支不收○此穴主寫五藏之熱

與五藏俞同

千金云食不消化洩痢不作肌膚脹滿水腫炎隨年壯三報之○又虛勞尿血白濁炎百壯

百證賦云兼聽宮能祛心下之悲悽○又兼膀胱俞治脾虛穀食不消

捷經云治思噎食噎

一傳治水腫鼓脹氣滿泄瀉年久不止及久年積塊脹痛

胃俞 在十二椎下去脊中二寸正坐取之○刺三分
留七呼吸三壯一曰灸隨年壯

主治胃寒吐逆翻胃霍亂腹脹支滿肌膚疲瘦腸鳴
腹痛不嗜食脊痛筋攣小兒羸瘦食少不生肌肉
及小兒痢下赤白秋末脫肛肚疼不可忍艾炷如
大麥

百證賦云無魂門治胃冷食不化

一傳治水腫鼓脹氣膈不食泄瀉年久不止多年積

塊

三焦俞 在十三椎下去脊中二寸正坐取之○刺五分
分灸三壯一曰三分五壯

主治傷寒身熱頭痛吐逆肩背急腰脊強不得俛仰
藏府積聚脹滿膈塞不通飲食不化羸瘦水穀不
分腹痛下痢腸鳴目眩

千金云少腹堅大如盤孟胸腹脹滿飲食不消婦人
癥聚瘦瘠灸三焦俞百壯三報之仍灸氣海百壯

○又云主五藏六府積聚心腹滿腰脊痛吐逆寒熱小便不利灸隨年壯○又治尿血灸百壯

腎俞 在十四椎下與臍平去脊中二寸正坐取之

素問

血氣形志篇有五藏俞度見經絡類十一

○刺三分留七呼灸三壯一曰

灸以年為壯○素問曰刺中腎六日死

主治虛勞羸瘦面日黃黑耳聾腎虛水藏久冷腰痛夢遺精滑脚膝拘急身熱頭重振寒心腹脹兩脅滿痛引少腹少氣溺血便濁淫瀝赤白帶下月

經不調陰中痛五勞七傷虛憊無力足寒如水洞
洩食不化身腫如水男女久積氣痛變成勞疾○
此穴主寫五藏之熱與五藏俞同

千金云腎間風虛灸百壯○又小便濁夢遺失精灸
百壯○又云腎俞主五藏虛勞少腹弦急脹熱灸
五十壯老少減之若虛冷可百壯橫三間寸灸之
○又消渴口乾同腰目灸之○又尿血灸百壯
又百病水腫灸百壯

玉龍賦云兼命門治老人便多○又兼心俞治腰腎
虛乏之夢遺

百證賦云兼巨膠穴能除胸膈停留瘀血

通玄賦云能寫盡腰股之痛

一傳治色慾過度虛腫耳痛耳鳴

大腸俞 在十六椎下去脊中二寸伏而取之○刺三
分留六呼吸三壯

主治脊強不得俛仰腰痛腹脹繞臍切痛腸澼瀉痢

食不化大小便不利

千金云脹滿雷鳴灸百壯三報之

靈光賦云治大便病

小腸俞 在十八椎下去脊中二寸伏而取之○刺三分留六呼灸三壯

主治膀胱三焦津液少便赤不利淋瀝遺尿小腹脹滿疔痛瀉痢膿血脚腫心煩短氣五痔疼痛婦人帶下

千金云洩注五痢便膿血腹痛灸百壯○又主三焦
膀胱寒熱津液赤白洞泄腰脊痛小水不利婦人
帶濁灸五十壯○又消渴口乾不可忍者灸百壯
橫三間寸灸之

靈光賦云治小便病

膀胱俞 在十九椎下去脊中二寸伏而取之○刺三
分留六呼灸三壯一云七壯

主治小便赤澁遺尿洩痢腰脊腹痛陰瘡脚膝寒冷

無力女子癥瘕

百證賦云兼脾俞治脾虛穀食不消

中膂內俞

一名脊內俞

在二十椎下去脊中二寸夾脊脾

起肉間伏而取之○刺三分留六呼灸三壯

主治腎虛消渴腰脊強痛不得俛仰腸冷赤白痢症

痛汗不出脅腹脹痛

百證賦云兼陶道治歲熱時行

捷徑云主腰痛夾脊脊上下按之從後頂至此穴痛

者灸之立愈

白環俞 在二十一椎下去脊中二寸伏而取之○刺五分灸三壯甲乙經云刺八分得氣則寫寫訖多補之不可灸

主治腰脊痛不得坐卧疝痛手足不仁二便不利溫瘧筋攣痺縮虛熱閉塞○一云主治夢遺白濁腎虛腰痛先寫後補赤帶寫之白帶補之月經不調亦補之

百證賦云兼委中治背連腰痛大驗

上髎 在腰髀骨下一寸夾脊兩旁第一空陷中○繆

刺論註曰腰下夾尻有空骨各四蓋即此四髎穴也

刺腰痛論註曰上髎當髀骨下陷中餘三髎少斜下

按之陷中是也

腰髀骨即十六椎下腰脊兩旁起骨之夾脊者

○足太陽少

陽之絡○刺三分留七呼灸七壯

主治大小便不利嘔逆腰膝冷痛寒熱瘡鼻衄婦人

絕嗣陰中癢痛陰挺出赤白帶下

次膠 夾脊旁第二空陷中○刺三分留七呼灸七壯

一曰三壯

主治大小便淋赤不利心下堅脹腰痛足清疝氣下
墜引陰痛不可忍腸鳴泄瀉赤白帶下

中膠 夾脊旁三空陷中○刺二分留十呼灸三壯

主治五勞七傷二便不利腹脹飧泄婦人少子帶下
月經不調

下膠 夾脊旁四空陷中○刺腰痛篇及繆刺論王註

皆曰足厥陰支別者與太陰少陽結於腰踝下俠脊
第三第四骨空中其穴即中髎下髎也○刺二分留
十呼灸三壯一曰刺二寸

主治腸鳴泄瀉二便不利下血腰痛引小腹急痛女
子淋濁不禁

百證賦云濕熱濕寒下髎定

會陽

一名利機

在陰尾尻骨兩旁○甲乙經曰督脈氣所

發○刺二分灸五壯一曰刺八分

主治腹中寒氣泄瀉腸澼便血久痔陽氣虛乏陰汗
濕

附分 在二椎下附項內廉兩旁相去脊中各三寸半
正坐取之○手足太陽之會○刺三分灸五壯甲乙
經作刺八分

主治肘臂不仁肩背拘急風客腠理頸痛不得回顧
魄戶 在三椎下去脊中各三寸半正坐取之○刺五
分灸五壯一曰刺三分灸百壯

主治虛勞肺痿肩膊胸背連痛三尸走注項強喘逆
煩滿嘔吐○此穴主寫五藏之熱與五藏俞同

神農經云治虛勞發熱可灸十四壯

百證賦云兼膏肓治勞瘵傳尸

膏肓俞 在四椎下五椎上去脊中各三寸半正坐曲
脊取之○千金翼云先令病人正坐曲脊伸兩手以
臂著膝前令正直手大指與膝頭齊以物支肘勿令
臂動乃從胛骨上角摸索至胛骨下頭其間當有四

肋三間依胛骨之際相去骨際如容側指許按其中
一間空處自覺牽引肩中是其穴也左右各灸至百
壯或三五百多至千壯當氣下鬱鬱然如流水之降
若停痰宿疾亦必下也若病人已困不能正坐當令
側卧挽上臂令前索孔穴灸之○又法但以右手搭
左肩上中指稍所不及處是其穴也左手亦然乃以
前法灸之其有不能久坐伸臂者亦可伏衣襟上伸
兩臂令人挽兩胛骨使相離遠不爾胛骨覆穴不得

其真也所伏衣襟當令大小得宜不爾則前却亦失其穴也此穴灸後令人陽氣日盛當消息自為補養令得平復則諸病無所不治○又法如其人骨節分明則以椎數為準若脊背肥厚骨節難尋須以大椎至尾骶量分三尺折取之不然則以平臍十四椎命門為則逐椎分寸取之則穴無不真然取大椎之法除項骨三節不在內或人亦有項骨短而無可尋者但當以平肩之處為第一椎以次求之可無差也○

捷徑云灸膏肓功效諸書例能言之而取穴則未也
千金等方之外莊綽論之最詳然繁而無統不能歸
定於一余嘗以意取之令病人兩手交在兩膊上灸
時亦然胛骨遂開其穴立見以手指摸索第四椎下
兩旁各三寸四肋三間之中按之痠疼是穴灸至千
壯少亦七七壯當依千金立點立灸坐點坐灸卧點
卧灸為的劉瑾云取膏肓二穴當除第一椎小骨不
算若連第一椎數下當在五椎下兩旁各三寸半共

折七寸分兩旁按其痠疼處乃是真穴每依此灸療多獲全愈○灸七七壯至百壯千壯一云灸後當灸足三里以引火實下○此穴自晉以前所未有乃後人之所增也

主治百病無所不療虛羸瘦損五勞七傷諸病夢遺失精上氣欬逆痰火發狂健忘胎前產後可灸二七至七七壯

百證賦云無魄戶治勞瘵傳尸

靈光賦云治背脊痛風勞一切諸病

乾坤生意云兼陶道身柱肺俞治虛損五勞七傷緊

要之穴

神堂 在五椎下去脊中各三寸半陷中正坐取之

刺三分灸五壯○此穴主寫五藏之熱與諸藏俞同

主治腰脊強痛不可俛仰洒淅寒熱胸腹滿逆時噎

譫譫 在肩膊內廉六椎下去脊中各三寸半正坐取

之○甲乙經曰以手痛按之病者呼譫譫是穴蓋因

其痛也 刺六分留七呼灸五壯 一曰二七壯至百壯

主治大風熱病汗不出勞損不得卧溫瘧久不愈胸腹脹悶氣噎肩背脇肋痛急目痛効逆鼻衄忌菹菜白酒

千金云多汗瘧病灸五十壯

膈關 在七椎下去脊中各三寸半陷中正坐開肩取之○刺五分灸五壯

主治背痛惡寒脊強嘔吐飲食不下胸中噎悶大小
便不利○此亦血會治諸血病

魂門 在九椎下相去脊中各三寸半陷中正坐取之

○刺五分灸三壯

主治尸厥走注胸背連心痛食不下腹中雷鳴大便
不節小便黃赤○此穴主寫五藏之熱與五藏俞
同

百證賦云兼胃俞治胃冷食難化

標幽賦云筋攣骨痛者補此

陽綱 在十椎下去脊中三寸半陷中正坐取之○刺五分灸三壯七壯

主治腸鳴腹痛食不下小便濇身熱消渴目黃腹脹泄痢

百證賦云兼膽俞治目黃

意舍 在十一椎下去脊中三寸半陷中正坐取之○刺五分灸七壯一云五十壯至百壯

主治背痛腹脹大便泄小便黃嘔吐惡風寒飲食不
下消渴目黃○此穴主寫五藏之熱與五藏俞同
百證賦云無中府能除脹滿噎塞胸背脇痛惡寒嘔
吐

胃倉 在十二椎下去脊中各三寸半正坐取之○刺
五分灸五壯一云五十壯

主治腹滿水腫食不下惡寒背脊痛不可俛仰

盲門 在十三椎下去脊中各三寸半又肋間陷中前

與鳩尾相直正坐取之○刺五分灸三壯氣府論註
云三十壯

主治心下痛大便堅婦人乳痛有餘

志室 在十四椎下去脊中各三寸半陷中正坐取之
○刺五分灸三壯七壯

主治陰腫陰痛失精小便淋瀝背脊強腰脅痛腹中
堅滿霍亂吐逆不食大便難○此穴主寫五藏之
熱與五藏俞同

胞育 在十九椎下去脊中各三寸半陷中伏而取之

○刺五分灸五壯七壯

主治腰痛惡寒小腹堅腸鳴大小便不利

秩邊 在二十一椎下去脊中各三寸半陷中伏而取之○刺五分灸三壯

主治腰痛五痔小便赤澀

承扶

一名肉却一名陰關一名皮部

在尻臀下股陰上約文中○刺

七分留七呼灸三壯甲乙經作刺二寸

主治腰脊相引如解久痔臀腫大便難胞寒小便不利

殷門 在承扶下六寸腠上兩筋之間○刺七分留七

呼灸三壯

主治腰脊不可俛仰惡血流注外股腫

浮却 在委陽上一寸屈膝得之○刺五分灸三壯

主治霍亂轉筋小腹膀胱熱大腸結股外筋急髀樞

不仁

委陽 在承扶下六寸屈伸取之○邪氣藏府病形篇
曰三焦合入於委陽甲乙經曰委陽三焦下輔腧也
在足太陽之前少陽之後出於臍中外廉兩筋間此
足太陽別絡也○刺七分留五呼灸三壯

主治腰脊腋下腫痛不可俛仰引陰中不得小便胸
滿身熱瘰癧顛疾小腹滿飛尸遁注痿厥不仁

本輸篇曰三焦下輸出於委陽並太陽之正入絡膀胱
約下焦實則閉癥虛則遺溺遺溺則補之閉癥

則寫之

百證賦云無天池穴腋腫鍼而速散

委中

一名血郤

在膕中央約文動脈陷中伏卧屈足取之

○足太陽所入為合○刺五分留七呼灸三壯一云
禁灸 春月勿令出血蓋太陽合腎腎王於冬水衰
於春故春無令出血

主治大風眉髮脫落太陽瘡從背起先寒後熱熇熇
然汗出難已頭重轉筋腰脊背痛半身不遂遺溺

小腹堅風痺髀樞痛膝痛足軟無力凡腎與膀胱實而腰痛者刺出血妙虛者不宜刺慎之○此穴主寫四肢之熱委中者血却也凡熱病汗不出小便難衄血不止脊強反折瘕癥癰疾足熱厥逆不得屈伸取其經血立愈

太乙歌云虛汗盜汗補委中

玉龍賦云合人中除腰脊痛閃之難制○又云兼居膠環跳除腿風濕痛

百證賦云兼白環俞治背連腰痛已試

千金十一穴云委中崑崙治腰背痛相連

四總穴云腰背委中求

馬丹陽天星十二穴云治腰痛不能舉沈引脊梁痠
風癰及轉筋疼痛難移展風痺復無常熱病不能
當膝頭難伸屈鍼入即安康

合陽 在膝膕約文下二寸○刺六分灸五壯

主治腰脊強引腹痛陰股熱肝痠腫寒疝偏墜女子

崩帶不止

百證賦云無交信治女子少氣下血

承筋

一名膈腸
一名直腸

在膈腸中央陷中脚根上七寸○灸

三壯禁刺

主治寒痺腰背拘急腋腫大便閉五痔喘痰脚跟痛

引少腹轉筋霍亂厥

千金云霍亂轉筋灸五十壯

承山

一名肉柱
一名魚腹

在兑腓腸下分肉間陷中一云腿肚

下尖分肉間○刺七分灸五壯至七七壯然灸不及
鍼

主治頭熱鼻衄寒熱癰疾疰氣腹痛痔腫便血腰背
痛膝腫脛痠跟痛霍亂轉筋戰慄不能行立凡有
邪熱者可寫之

千金云灸轉筋隨年壯神驗霍亂灸百壯

玉龍賦云魚長強灸痔最妙

席弘賦云陰陵泉治心胸滿兼此穴而飲食自思○

又云兼魚際崑崙治轉筋目眩立消

靈光賦云治轉筋并久痔

百證賦云刺長強兼承山善主腸風新下血

天星秘訣云兼內踝尖治轉筋并眼花○又云兼陰
交治胸膈痞滿自喜飲食

馬丹陽云善治腰疼痛痔疾大便難脚氣并膝腫兩
足盡寒痠展轉成時疫戰慄瘡憎寒霍亂及轉筋
刺之立便安

今時多用此穴治傷寒立效亦有初發瘧疾者灸之立已

飛陽

一名殿陽

在足外踝上七寸後陷中○足太陽絡別

走少陰○刺三分灸三壯

主治痔痛不得起坐脚痠腫不能立歷節風不得屈伸癰疾寒瘧頭目眩逆氣

千金云瘧實則腰背痛虛則鼻衄飛陽主之

百證賦云兼支正可治目眩

附陽 在足外踝上三寸太陽前少陽後筋骨之間○
陽蹻之郤○刺五分留七呼灸三壯一云七壯

主治霍亂轉筋腰痛不能立髀樞股肱痛痿厥風痺
不仁頭重顫痛時有寒熱四肢不舉屈伸不能

崑崙 在足外踝後五分跟骨上陷中細動脈應手○
足太陽所行為經○刺三分留七呼灸三壯

主治腰尻脚氣足脰腫痛不能步立頭痛顛衄肩背
拘急欬喘目眩陰腫痛產難胞衣不下小兒發癇

瘕瘕

玉龍賦云兼申脈太谿善療足腫之逆

靈光賦云能住喘愈脚氣

神農經云治腰尻痛足痛不能履地肩背拘急可灸

七壯○又治小兒陰腫可灸三壯炷如小麥

席弘賦云兼魚際承山治轉筋目眩立消

千金云胞衣不出鍼足太陽入四分穴在外踝下後

一寸宛宛中者意必此穴○又云瘧多汗腰痛不

能俛仰目如脫項似拔崑崙主之

千金十一穴云無委中治腰背痛相連

捷徑云治偏風

馬丹陽天星十二穴云治轉筋腰尻痛膊重更連陰

頭疼脊背急暴喘滿衝心舉步行不得動足即呻

吟若欲求安樂須尋此穴鍼○增治法云治目眈

眈如脫頭熱鼻衄肚脹痛不得息霍亂大便泄風

癰口噤不開小兒陰腫頭眩轉筋吐逆尸厥中惡

膝蓋暴痛

僕參

一名安邪

在跟骨下陷中拱足得之○足太陽陽蹻

之會○刺三分留七呼灸七壯

主治腰痛足痿不收足跟痛霍亂轉筋吐逆尸厥癰

癰狂言見鬼膝痛

靈光賦云後跟痛在僕參求

申脈 在足外踝下五分陷中容爪甲許白肉際○陽

蹻脈所生○刺三分留七呼灸三壯

主治風眩顛疾腰痛膝胛寒痠不能坐立如在舟
車中氣逆腿足不能屈伸婦人氣血痛一云脚氣
紅腫寫之若麻木無力先寫後補

神農經曰治腰痛可灸五壯

玉龍賦云兼太谿崑崙善療足腫之逆

標幽賦云兼金門治頭風頭痛

攔江賦云能除寒與熱偏正頭風及心驚耳鳴鼻衄
胸中滿遇麻木者虛當補逢疼痛者寫而迎

靈光賦云陽蹻陰蹻及陽陵陰陵四穴治脚氣取之
又兼三里同治脚氣亦去在腰諸疾

千金方十三鬼穴云此名鬼路當在第五次下火鍼
治百邪癲狂

捷法云治腰背強不可俛仰支節煩痛牽引腰脚中
風不省人事中風不語中風半身癱瘓偏枯疼痛
無時中風四肢麻木不仁手足搔癢不能握物中
風口眼喎斜牽連不已角弓反張眼目盲視口噤

不開語言蹇澁腰脊肩背疼痛頭項強痛不得回
顧腰痛起止艱難手足背生毒臂背生毒○已上
凡二十餘證先以申脈主治後隨證加各穴分治
之

金門

一名關梁

在足外踝下一寸○足太陽都陽維別屬

也○刺一分灸三壯一云刺三分灸七壯炷如小麥
主治霍亂轉筋尸厥癰疽氣膝胫痠不能立小兒
張口搖頭身反

百證賦云無邱墟可醫轉筋

通玄賦云無申脈治頭風頭痛

京骨 在足小指外側本節後大骨下赤白肉際陷中
可按而得○足太陽所過為原○刺三分留七呼灸
七壯

主治腰脊痛如折髀不可曲項強不能回顧筋攣善
驚瘧瘡寒熱目眩內眦赤爛頭痛鼻衄癰病狂走
束骨 在足小指外側本節後陷中赤白肉際○足太

陽所注為臑○刺三分留三呼灸三壯

主治腸澼泄瀉瘡痔癰癩發背癰疔頭痛目眩內眥
赤痛耳聾腰膝痛項強不可回顧

太乙歌云兼三里刺治項強腫痛體重腰癱

百證賦云連天柱治項強多惡風

秦承祖云治風熱胎赤兩目皆爛

通谷 在足小指外側本節前陷中○足太陽所溜為
榮○刺二分留五呼灸三壯

主治頭痛目眩項痛歛衄善驚目眈眈結積留飲食
多不化失欠

千金云諸結積留飲癖囊胸滿飲食不消灸通谷五
十壯

至陰 在足小指外側去爪甲角如韭葉○足太陽所
出為井○刺一分留五呼灸三壯五壯

主治風寒頭重鼻塞目痛生翳胸脅痛轉筋寒瘡汗
不出煩心足下熱小便不利失精脈痺從足小指

起牽引上下

百證賦云無屋翳治遍身癢痛之疾

席弘賦云專治脚膝腫

今時習用此治婦人寒證

張仲文治婦人橫產手先出諸符藥不效為灸右脚

小指尖三壯炷如小麥下火立產

足少陰腎經穴

腎經穴歌

足少陰俞二十七湧泉然谷照海出太谿水泉連大
鍾復溜交信築賓立陰谷橫骨趨大赫氣穴四滿中
注得育俞商曲石關蹲陰都通谷幽門值步廊神封
出靈墟神藏或中俞府畢

湧泉

一名地衝

在足心陷中屈足卷指宛宛中○足少陰

所出為井○刺三分留三呼灸三壯

主治尸厥面黑喘欬有血目視眊眊無所見善恐心
中結熱風疹風癰心痛不嗜食男子如蠱女子如

妊欬嗽氣短身熱喉痺目眩頸痛胸脅滿小腹痛
腸澼泄瀉霍亂轉胞不得尿腰痛大便難轉筋足
脛寒痛腎積奔豚熱厥五指盡痛足不踐地

史記漢北齊王阿母患足下熱喘滿淳于意曰熱厥
也刺足心立愈

千金云陰中懊懷痛刺入三分○又鼻衄不止灸二百
壯○又霍亂轉筋灸三七壯不止灸足踵聚筋上
白肉際七壯立愈

玉龍賦云兼關元豐隆治尸勞

席弘賦云鳩尾能治五般癰若下湧泉人不死○又云小腸氣結連臍痛連寫陰交良久鍼湧泉取氣甚妙

百證賦云專治厥寒厥熱○又云兼行間治消渴腎竭

通玄賦云治胸結身黃寫此

靈光賦云治婦人疾并男蠱女孕而病瘥者千金勿

妄傳

天星秘訣云兼陰陵治小腸連臍痛

然谷

一名龍淵
一名然骨

在足內踝前起大骨下陷者中○足

少陰所溜為榮○刺三分留三呼灸三壯一曰刺不宜見血

主治喘呼煩滿欬血喉痺消渴舌縱心恐少氣涎出
小腹脹痿厥寒疝足跗腫肝痠足一寒一熱不能
久立男子遺精婦人陰挺出月經不調不孕初生

小兒臍風撮口痿厥洞泄此穴主寫腎藏之熱若
治傷寒亦宜出血

千金云石水灸然谷氣衝四滿章門

百證賦云此穴易醒臍風

照海 在足內踝下一寸陷中容爪甲一云在內踝下
四分微前高骨陷中前後有筋上有踝骨下有軟骨
其穴居中神農經云在內踝直下白肉際是穴○陰
蹻所生○刺四分留六呼灸三壯一曰刺三分灸七

壯

主治咽乾嘔吐四肢懈惰嗜卧善悲不樂大風偏枯
半身不遂久瘡卒疝腹中氣痛小腹淋痛陰挺出
月水不調

玉龍賦云兼支溝能通大便秘○又云合內關能
醫腹疾之塊

神農經云治月事不行可灸七壯○又云蕪公孫治
傷寒四日太陰經再用內關施截法

攔江賦云治噤口喉風用三棱鍼出血即安

百證賦云兼大敦治傷寒

席弘賦云兼百會太衝陰交治咽喉疾○又云兼陰

交曲泉關元氣海同寫治七疝如神

靈光賦云二蹻二陵脚氣者取此四穴又兼三里同

治脚氣并在腰之疾

標幽賦云兼陽維內關能下胎衣○又云治喉中之

閉塞

捷法云治小便頻數淋瀝不通小腹冷痛膀胱七疝
奔豚偏墜木腎腫大如升發時疼痛衝心小便淋
血陰痛遺精白濁夜夢鬼交不禁婦人難產子搦
母心不下女子大便不通產後腹痛惡露不已婦
人脾病血蠱水蠱氣蠱石蠱單蠱女人血氣虛倦
五心煩熱肢體盡痛頭目昏沈老人虛損手足轉
筋不能舉動霍亂吐瀉寒濕脚氣發熱大痛腎虛
脚氣紅腫乾脚氣膝頭內踝五指疼痛渾身脹滿

水蠱喘脹四肢面目浮腫婦人瘦損赤白帶下子宮久冷不受胎孕經水正行頭眩小腹空痛月水不調臍腹疼痛及淋漏不斷等證○已上諸證先以照海為主後隨證加穴分治

太谿

一名呂細

在足內踝後五分跟骨上動脈陷中○足

少陰所注為腧即原也○刺三分留七呼灸三壯

主治熱病汗不出傷寒手足逆冷嗜卧欬嗽咽腫衄血唾血溺赤消痺大便難久瘧欬逆煩心不眠脈

沈手足寒嘔吐不嗜食善噫腹疼瘠瘦寒疝瘰癧
神農經云治牙疼可灸七壯

一云牙疼紅腫者寫之陰股內濕癢生瘡便毒先補
後寫○一云腎瘡嘔吐多寒閉戶而處其病難已
太谿大鍾主之腰脊痛大便難手足寒并刺委中
大鍾

玉龍賦云合崑崙申脈善療足腫之逆

百證賦云兼商陽治寒瘡有驗

水泉 在足內踝下太谿下一寸○足少陰郄○刺四分灸五壯

主治目眈眈不能遠視女子月事不來來即多心下悶痛小腹痛小便淋陰挺出

百證賦云兼天樞治月潮違限

大鍾 在足跟後衝中大骨上兩筋間水熱穴論註曰在足內踝後衝中○足少陰絡別走太陽○刺二分留三呼灸三壯

主治氣逆煩悶實則小便淋閉洒洒腰脊強痛大便
秘澁嗜卧口中熱虛則嘔逆多寒欲閉戶而處少
氣不足胸脹喘息舌乾食噎不得下善驚恐不樂
喉中鳴欬唾血

百證賦云兼通里治倦言嗜卧

標幽賦云治心性之呆癡

復溜

一名伏白
一名昌陽

在足內踝後上除踝二寸陷者中前

傍骨是復溜後傍筋是交信二穴止隔一筋○足少

陰所行為經○刺三分留三呼灸五壯七壯

主治腸澼痔疾腰脊內引痛不得俛仰善怒多言舌
乾涎出足痿脰寒不得履目視眈眈腸鳴腹痛四
肢腫十種水病五淋盜汗齒齲脈微細

神農經云治盜汗不收及面色痿黃可灸七壯

千金云血淋灸五十壯

太乙歌云刺治腰脊閃挫疼痛遊風徧體

玉龍賦云傷寒無汗宜寫○又云起六脈之沈匿

攔江賦云傷寒無汗先補合谷次寫此穴

席弘賦云此穴專治氣滯在腰

靈光賦云治腫如神

交信 在足內踝上二寸少陰前太陰後筋骨間○陰
蹻之郄○刺四分留五呼灸三壯

主治五淋瘡疝陰急股膕內廉引痛瀉痢赤白大小
便難女子漏血不止陰挺月事不調小腹痛盜汗
百證賦云兼合陽治女子少氣漏血

築賓 在足內踝後上脰分中○陰維之郄○刺三分
灸五壯

主治小兒胎疝癰疾吐舌發狂罵詈腹痛嘔吐涎沫
足脰痛

陰谷 在膝下內輔骨後大筋下小筋上按之應手屈
膝乃得之○足少陰所入為合○刺四分留七呼灸
三壯

主治舌縱涎下腹脹煩滿溺難小腹疝急引陰陰股

內廉痛為痿為痺膝痛不可屈伸女人漏下不止

少妊

太乙歌云蕪水分三里利小便消腫脹

通玄賦云治臍腹痛

橫骨

一名下極

在大赫下一寸盲俞下五寸去中行五分

陰上橫骨中○按少腹下尖自橫骨上行不可槩用
腹中分寸當以太陰之衝門起自橫骨兩端以至陽
明之氣衝少陰之橫骨至中行之曲骨穴通計折量

始得其準凡上至腹中皆當以此類推○衝脈足少陰之會○刺五分灸三壯五壯甲乙經曰刺一寸

主治五淋小便不通陰器下縱引痛小腹滿目皆赤痛五藏虛

百證賦云兼育俞寫五淋久積

席弘賦云兼大都治氣滯腰疼不能立

大赫

一名陰維
一名陰關

在氣穴下一寸去中行五分○衝脈

足少陰之會○刺三分灸五壯千金云三十壯甲乙

經作刺一寸

主治虛勞失精陰痿上縮莖中痛目赤痛女子赤帶

氣穴

一名胞門
一名子戶

在四滿下一寸去中行五分○衝脈

足少陰之會○刺三分灸五壯甲乙經作刺一寸

主治奔豚痛引腰脊瀉痢經不調

四滿

一名
髓府

在中注下一寸去中行五分○衝脈足少

陰之會○刺三分灸三壯甲乙經云刺一寸千金云

灸百壯

主治積聚疝瘕腸癖切痛石水奔豚臍下痛女人月經不調惡血疔痛并無子可灸三十壯

中注 在盲俞下一寸去中行五分○衝脈足少陰之會○刺一寸灸五壯一云刺五分

主治小腹熱大便堅燥腰脊痛目腎痛女子月事不調

盲俞 在商曲下一寸當作二寸直臍旁去臍中五分○衝

脈足少陰之會○刺一寸灸五壯一云刺五分

主治腹痛寒疝大便燥目赤痛從內眥始

百證賦云兼橫骨寫五淋之久積

商曲 在石關下一寸去中行五分○衝脈足少陰之
會○刺一寸灸五壯一云刺五分

主治腹中切痛積聚不嗜食目赤痛內眥始

石關 在陰都下一寸去中行五分○衝脈足少陰之
會○刺一寸灸三壯一云刺五分

主治噦噫嘔逆脊強腹痛氣淋小便不利大便燥閉

目赤痛婦人無子或藏有惡血上衝腹痛不可忍

神農經云治積氣疼痛可灸七壯孕婦禁灸

千金云治噦噫嘔逆灸百壯

百證賦云無陰交無子可搜

陰都

一名食宮

在通谷下一寸夾中脘相去五分○衝脈

足少陰之會○刺三分灸三壯甲乙經曰刺一寸千

金云灸隨年壯

主治心煩滿恍惚氣逆腸鳴肺脹氣搶嘔沫大便難

脅下熱痛目痛寒熱瘧瘡婦人無子藏有惡血腹
絞痛

通谷 在幽門下一寸陷中夾上腕相去五分○衝脈
足少陰之會○刺五分灸五壯

主治口喎暴瘖積聚瘕癖胸滿食不化膈結嘔吐目
赤痛不明清涕項似拔不可回顧

幽門

一名上門

夾巨關兩旁各五分陷者中○衝脈足少

陰之會○刺五分灸五壯

主治胸中引痛心下煩悶逆氣裏急支滿不嗜食數
欬乾噦嘔吐涎沫健忘洩痢膿血少腹脹滿女子
心痛逆氣善吐食不下

神農經云治心下痞脹飲食不化積聚疼痛可灸十
四壯孕婦不可灸

百證賦云兼玉堂能開徹煩心嘔噦

步廊 在神封下一寸六分陷中去中行二寸夾中庭
仰而取之○刺三分灸五壯

主治胸脅滿痛鼻塞少氣欬逆不得息嘔吐不食臂
不得舉

神封 在靈墟下一寸六分去中行二寸仰而取之○
刺三分灸五壯

主治胸脅滿痛欬逆不得息嘔吐不食乳癰洒淅惡
寒

靈墟 在神藏下一寸六分去中行二寸陷中仰而取
之○刺三分灸五壯

主治同神封

神藏 在臑中下一寸六分陷中去中行二寸仰而取之○刺三分灸五壯

主治同上

百證賦云兼璇璣治胸滿項強已試

臑中 在臑府下一寸六分陷中去中行二寸仰而取之○刺四分灸五壯

主治欬逆不得喘息胸脅支滿多唾嘔吐不食

神農經云治氣喘痰壅可灸十四壯

一傳治欬嗽哮喘唾血

俞府 在巨骨下夾璇璣旁二寸陷中仰而取之○刺

三分灸五壯

主治欬逆上氣嘔吐不食中痛

一云熱嗽瀉之冷嗽補之

玉龍賦云兼乳根能治氣嗽痰哮喘

手厥陰心包絡經穴

心包絡經穴歌

心包九穴天池近天泉曲澤郄門認間使內關踰大陵勞宮中衝中指盡

天池

一名天會

在乳後一寸腋下三寸著脇直腋掇肋間

氣府論註曰在乳後同身寸之二寸○手厥陰足少陽之會○刺三分灸三壯

主治目眈眈不明頭痛胸脇煩滿欬逆臂腋腫痛四肢不舉上氣寒熱瘧熱病汗不出

千金云治頸漏瘰癧灸百壯

百證賦云兼委陽穴腋腫鍼而速散

天泉

一名天濕

在曲腋下至肩臂二寸舉臂取之○刺六

分灸三壯一曰刺二分

主治惡風寒胸脅痛支滿欬逆膺背胛臂間痛

曲澤 在肘內廉橫文陷中筋內側動脈屈肘得之

手厥陰所入為谷○刺三分留七呼灸三壯

主治心痛善驚身熱煩渴臂肘搖動掣痛不可伸傷

寒嘔吐氣逆

百證賦云兼少商治血虛口渴

却門 在掌後去腕五寸○手厥陰郄○刺三分灸五壯

主治嘔血衄血心痛嘔噦驚恐神氣不足久痔

間使 在掌後三寸兩筋間陷中○手厥陰所行為經刺三分留七呼灸五壯

主治傷寒結胸心懸如饑嘔沫少氣中風氣塞昏危

不語卒狂胸中澹澹惡風寒霍亂乾嘔腋腫肘攣
卒心痛多驚咽中如鯁婦人月水不調小兒客忤
久瘡可灸鬼邪隨年壯

千金云乾嘔不止所食即吐不停灸三十壯若四肢
脈絕不至者灸之便通此法能起死人○又治卒
死灸百息○又十三鬼穴云此名鬼路鍼百邪癩
狂當在第九次下鍼

神農經云治脾寒寒熱往來渾身瘡疥灸七壯

太乙歌云兼風池環跳治瘧疾○又兼氣海中極三里刺小腹便澀

玉龍賦云治瘵瘡

百證賦云兼天鼎治失音休遲

靈光賦云兼水溝治邪癰

捷徑云治熱病頻噦

內關 在掌後去腕二寸兩筋間與外關相對○手厥陰絡別走手少陽○刺五分灸五壯

主治中風失志實則心暴痛虛則心煩惕惕面熱目
昏支滿肘攣久瘥不已胸滿腸痛實則瀉之生瘡
灸之

神農經云治心疼腹脹腹內諸疾可灸七壯

玉龍賦云合照海能醫腹疾之塊

席弘賦云兼公孫治肚痛

攔江賦云治傷寒太陰經四日者先用照海公孫後
用內關施治

百證賦云兼建里掃盡胸中之苦悶

標幽賦云胸滿腹痛刺內關

捷法云治胸滿胃脘不快傷寒中焦痞滿兩脅刺痛
嘔吐不已脾胃氣虛心腹脹滿脇肋下疼心腹刺
痛痞塊食癥不散人漸羸瘦血塊氣瘕藏府虛寒
風壅氣滯大腸虛冷脫肛不收大便艱難用力脫
肛藏毒腫痛便血不止五痔五癰口吐涎沫心性
呆癡心驚發狂悲泣不已不識親疎健忘錯亂言

語不記或歌或笑神思不安中風不省人事心虛
膽寒四體戰掉○已上諸證先以內關主治後隨
證加各穴治之

大陵 在掌後骨下橫文中兩筋間陷中○手厥陰所
注為腧即原也○刺三分留七呼灸三壯

主治熱病汗不出舌本痛喘欬嘔血心懸如饑善笑
不休頭痛氣短胸脇痛驚恐悲泣嘔逆喉痺口乾
目赤肘臂攣痛小便如血

神農經云治胸中疼痛胸前瘡疥可灸三壯

千金云吐血嘔逆灸五十壯○又云凡卒患腰腫附
骨癰疽節腫遊風熱毒此等疾但初覺有異即急
灸之後手掌後第一橫文後兩筋間灸五壯立愈
患左灸右患右灸左當中者兩手俱灸○又十三
鬼穴云此為鬼心治百邪癰狂在第四次下鍼
玉龍賦云兼勞宮療心悶瘡瘕○又云合人中頻寫
全去口氣○又云合外關支溝治肚疼秘結

勞宮

一名五里
一名掌中

在掌中央動脈屈無名指取之○手

厥陰所溜為榮○刺二分灸三壯

主治中風悲笑不休熱病汗不出脇痛不可轉側吐
衄噫逆煩渴食不下胸脅支滿口中腥氣黃疸手
痺大小便血熱痔

千金云心中懊懣痛刺入五分補之

玉龍賦云兼大陵療心悶瘡瘕

靈光賦云治勞倦

百證賦云兼後谿可治三消黃疸

通玄賦云能退胃翻心痛

捷徑云治憂噎

一傳癰狂灸此效

中衝 在手中指端去爪甲如韭葉陷中○手厥陰所
出為井○刺一分留三呼灸一壯

主治熱病汗不出頭痛如破身熱如火心痛煩滿舌
強痛中風不省人事

神農經云治小兒夜啼多哭灸一壯炷如小麥

百證賦云無廉泉堪攻舌下腫痛

一云主神氣不足失志

乾坤生意云此為十井穴凡初中風暴仆昏沈痰涎壅盛不省人事牙關緊閉藥水不入急以三稜鍼刺少商商陽中衝關衝少衝少澤使血氣流通乃起死回生急救之妙訣

手少陽三焦經穴

三焦經穴歌

手少陽三焦所從二十二穴起關衝向液門中渚陽
池歷外關支溝會宗三陽絡入於四瀆注天井清冷
淵中消灤臑會肩髃同天髃天牖經翳風瘰脈顙息
角孫入耳門和髃絲竹空

關衝 在手名指外側端去爪甲角如韭葉○手少陽
所出為井○刺一分留三呼灸三壯

主治頭痛口乾喉痺霍亂胸中氣噎不食肘臂痛不

能舉目昏昏○一云主三焦邪熱口渴脣焦口氣
宜寫此出血

玉龍賦云壅熱盛於三焦關衝最宜

百證賦云兼啞門治舌緩不語

捷徑云治熱病煩心滿悶汗不出掌中大熱如火舌
本痛口乾消燥久熱不去

乾坤生意云此為十井穴凡初中風暴仆昏沈痰涎
壅盛不省人事牙關緊閉藥水不下急以三稜鍼

刺少商商陽中衝少衝關衝少澤使血氣流通乃起死回生急救之妙穴

液門

在手小指次指間陷者中○手少陽所溜為榮

刺二分留二呼灸三壯

主治驚悸忘言寒厥臂痛不得上下痲痺寒熱頭痛目眩赤澁泣出耳暴聾咽外腫牙齦痛若手臂紅腫痛楚瀉之出血為妙

千金云治耳聾不得眠刺入三分補之

玉龍賦云兼中渚治手臂紅腫

百證賦云兼魚際能療喉痛

中渚 在手名指本節後間陷中把拳取之○手少陽
所注為腧○刺二分留三呼灸三壯

主治熱病汗不出臂指痛不得屈伸頭痛目眩生翳
不明耳聾咽腫久瘡手臂紅腫瀉之出血灸五壯
太乙歌云刺久患腰疼背痛

玉龍賦云兼液門治手臂紅腫

席弘賦云治久患傷寒肩背痛

通玄賦云脊心後痛鍼此立愈

靈光賦云五指不便取中渚

陽池

一名別陽

在手表腕上陷者中自本節後骨直對腕

中○手少陽所過為原○刺二分留六呼灸三壯銅

人經曰不可灸

主治消渴口乾煩悶寒熱瘧或因折傷手腕捉物不

得臂不能舉

千金云消渴口乾灸五十壯

神農經云治手腕疼無力不能上舉至頭可灸七壯
外關 在腕後二寸兩筋間陷中○手少陽絡別走心
主○刺三分留七呼灸三壯

主治耳聾渾煇無聞肘臂五指痛不能握若脇肋痛
者寫之

神農經云治肘臂不得屈伸五指盡疼不能握物可
灸七壯

玉龍賦云兼大陵支溝治肚痛秘結

捷徑云治臂膊紅腫支節疼痛足內踝骨紅腫痛手足指節痛不能屈伸五藏六府結熱吐血妄行不已鼻衄不止吐血昏暈不省人事虛損氣逆陽乘於陰則血熱妄行陰乘於陽則血寒亦吐名心肺二經嘔血舌強難言及生白胎重舌腫脹熱極口内生瘡舌吐不收舌縮不能言唇吻破裂血出乾痛頭生瘰癧結核遠頸連胸耳根頸項腫痛不消

目生翳膜隱澁難開風沿爛眩迎風流淚目風腫
痛努肉攀睛暴赤腫痛○已上諸證先以外關主
治後隨證分穴治之

支溝

一名飛虎

在腕後三寸兩骨間陷中○手少陽所行

為經○刺二分留七呼灸七壯

主治熱病汗不出肩臂痠重脇腋痛四肢不舉霍亂
嘔吐口噤暴瘖鬼擊卒心痛產後血暈不省人事
凡三焦相火熾盛及大便不通脇肋疼痛者俱宜

寫之

千金云治頸漏馬刀灸百壯

玉龍賦云兼照海能通大便之秘○又云合外關大
陵治肚疼秘結

會宗 在腕後三寸空中一云空中一寸○手少陽郄
刺二分灸三壯一曰禁刺

主治五癰耳聾肌膚痛

三陽絡

一名通間

在臂上大交脈支溝上一寸○灸五壯

禁刺

主治暴瘡不能言耳聾齒齲嗜卧身不欲動

四瀆 在肘前五寸外廉陷中○刺六分留七呼灸三壯一曰刺三分

主治暴氣耳聾下齒齲痛

天井 在肘外大骨尖後肘上一寸兩筋間陷中屈肘得之甄權云在曲肘後一寸又手按膝頭取之○手少陽所入為合○刺三分留七呼灸三壯甲乙經云

刺一分

主治欬嗽上氣胸痛不得語唾膿不嗜食寒熱淒淒
不得卧驚悸悲傷瘕瘕癰疾五癰風痺頭頸肩背
痛耳聾目銳背痛頰腫肘臂痛不得捉物及寫一
切瘰癧瘡腫癰疹

神農經云治欬嗽上氣風痺肘疼可灸七壯

清冷淵 在肘上二寸伸肘舉臂取之○刺三分灸三
壯

主治諸痺痛肩臂肘臑不能舉

席弘賦云五般肘痛尋尺澤冷淵鍼後即收功

消灤 在肩下臂外間腋斜肘分下行○刺五分灸五壯一曰刺一分灸三壯

主治風痺頸項強急腫痛寒熱頭痛肩背急

一傳海南治牙疼灸此穴

臑會

一名臑膠

在臂前廉去肩端三寸宛宛中○手陽明

少陽二絡之會○刺五分灸五壯

主治肘臂氣腫痠痛無力不能舉頭癭氣瘤寒熱瘰癧

肩膠 在肩端臑上陷中斜舉臂取之○刺七分灸三壯

主治臂重肩痛不能舉

天膠 在肩缺盆中上髃骨際陷者中秘 兪音 一曰直肩

井後一寸○手足少陽陽維三脈之會○刺八分灸

三壯

主治肩臂痠痛缺盆痛汗不出胸中煩滿頸項急寒熱

天牖 在頸大筋外缺盆上天容後天柱前完骨下髮際中上夾耳後一寸○刺一分留七呼不宜補亦不宜灸灸即令人面腫資生經云灸一壯甲乙經云灸三壯

主治暴聾不聰氣目不明夜夢顛倒面無顏色頭風面腫項強○一曰若治面腫眼合先取譙謐後鍼

天牖風池其病即瘥若不先鍼諛譖其病難愈

翳風 在耳後尖角陷中按之引耳中○手足少陽之

會○刺三分灸七壯

主治耳聾口眼喎斜口噤不開脫頷腫頰牙車急痛
暴瘡不能言○一云耳紅腫痛寫之耳虛鳴補之
補多寫少

百證賦云兼聽會治耳聾氣閉

瘰脈

一名資脈

在耳本後雞足青絡脈中○刺一分灸三

壯銅人云刺出血如豆汁不宜多出一云禁灸

主治頭風耳鳴小兒驚癇痰嘔吐瀉痢無時驚恐

目溢眇膏

顱息 在耳後間青絡脈中○刺一分灸七壯甲乙經
曰灸三壯一曰禁刺出血多則殺人

主治耳鳴喘息小兒嘔吐痰癇驚恐發癇身熱頭痛
不得卧聾耳腫流膿汁

百證賦云瘞病非顱息不愈

角孫 在耳廓中間上髮際下開口有空○手太陽手

足少陽三脈之會

甲乙經手太陽作手陽明

寒熱病篇曰足太陽

有入頰徧齒者名曰角孫則足太陽脈亦會於此

刺三分灸三壯

主治目生翳齒齲腫不能嚼脣吻燥頸項強

一云堪治耳齒之病

耳門 在耳前起肉當耳缺處陷中○刺三分留三呼

灸三壯一云禁灸

主治耳聾聒耳膿汁耳生瘡齒齲脣吻強

席弘賦云但患傷寒兩耳聾耳門聽會疾如風

百證賦云兼絲竹空能住牙疼於頃刻

天星秘訣云耳鳴腰痛先五會後此穴及三里

和膠 耳前兌髮下橫動脈○手足少陽手太陽三脈

之會○刺三分灸三壯一曰灸之目盲

主治頭痛耳鳴牙車引急頸項腫口噤瘕瘕

絲竹空

一名目膠

在眉後陷中○甲乙經曰足少陽脈氣

所發○刺三分留三呼禁灸灸之不幸令人目小及盲


主治頭痛目赤目眩視物眈眈拳毛倒睫風癩戴眼
發狂吐涎沫偏正頭風

神農經云治頭風宜出血

百證賦云無耳門能治牙疼於頃刻

通玄賦云治偏頭痛難忍

一傳主眼赤痛鍼一分出血



類經圖翼卷七